

NO. SOALAN: 120

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

**DARIPADA : DATUK AHMAD JAZLAN BIN YAAKUB
[MACHANG]**

TARIKH : 10 JUN 2014

RUJUKAN : 6831

SOALAN:

Datuk Ahmad Jazlan bin Yaakub [Machang] minta **MENTERI DALAM NEGERI menyatakan :-**

- (a) Adakah Kementerian bercadang untuk mengkaji semula *Standard Operating Procedure* pihak Imigresen untuk mengelakkan masalah penggunaan pasport palsu di lapangan terbang; dan
- (b) Apakah bentuk kerjasama strategik antarabangsa yang telah dilakukan untuk membendung masalah penggunaan pasport palsu di lapangan terbang.

JAWAPAN:

Tuan Yang di-Pertua,

Kementerian sedang mengkaji semula *Standard Operating Procedure* Imigresen terutama di pintu masuk/ keluar negara.

Antara perancangan tersebut adalah dengan mengadakan kerjasama dengan pihak INTERPOL untuk kebenaran mengakses kepada pangkalan data INTERPOL bagi menyemak data pasport yang dilaporkan hilang atau dicuri.

Selain itu Kementerian juga bercadang untuk menaiktaraf peralatan *passport reader* di kaunter pemeriksaan di pintu masuk. Peralatan ini akan dilengkapi dengan perisian yang mampu menyemak ketulenan pasport yang digunakan.